



UNIVERSITÄTS-
BIBLIOTHEK
PADERBORN

**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

Decretalium Epistolarum Gregorii IX. Liber Tertius.

[urn:nbn:de:hbz:466:1-63800](#)



DECRETALIUM EPISTOLARUM GREGORII IX.

LIBER TERTIUS.

P R A E F A T I O .



Nter quinque Libros, in quos Decretales *Gregorii IX.* Epistolas earum compilator *S. Raymundus de Pennafort* dispescuit, præsens Liber III. facile principem locum obtinet, tum ob Titulorum, & Rubricarum numerum ampliorem, tum ob materiarum, quæ sub iisdem tractantur, varietatem, & dignitatem. Tractantur equidem in hoc Libro materiae tum *Civiles*, tum *Ecclesiastice*, eæque vel ut Clericis, aliisque personis Ecclesiasticis propriae, vel ut Laicis quoque communes sunt. Et quidem *Oeconomia Libri* hæc est. I. Per 13. priores Titulos de obligationibus Clericorum in communis agitur, ac deinde, de juribus eorundem beneficialibus, prout illa vel Clericis singillatim consideratis, vel aliquod corpus mysticum, sive Capitulum constituentibus, vel ipsorum Prælatis competunt. II. In 13. sequentibus Titulis materia Contractuum, Testamentorum, & Successionum ab intestato, prout illa in utróque foro usum habet, exponitur, & demum III. à Titul. 27. usque ad finem de juribus Regularium, nec non Parochorum propriis, item de Jure Patronatus, Sacrorum, Sacmentorum &c. in quantum hæc jura tam Laicos, quam Clericos contingunt, convenienti ordine tractatur; ut subinde mirer, quòd Boehmerus ad h.t. §. 1. ausus sit scribere: *hoc modo cohæret inordinatus ordo Libri tertii.* Nos Commentationes nostras ad hunc Librum in 3. Partes sive Tractatus distribuemus,

mus, in I. acturi de Obligationibus, & Juribus Clericorum in communi, nec non de Juribus, ac Obligationibus Prælatorum & Capitularum in specie. In II. de Contractibus in specie, prout illi in serie Titulorum enumerantur: item de Testamentis, & aliis ultimæ voluntatis speciebus, nec non de Successionibus ab intestato. III. Denique Tractatus in exponendis aliis juribus spiritualibus tum Clericorum propriis, tum Laicis communibus absolvetur. DEUS nostris conatibus præpotenti virtute sua assistat, cujus unius gloriæ, & honori singulos apices consecramus.

T I T U L U S I.

De Vita, & Honestate Clericorum.

Quantum Reipublicæ Christianæ commoda promoteat inculpatæ in Clero vitæ tenor, mortimque probitas, Concilium Tridentinum *Sess. 22. de Reform. cap. 1.* satis dilucide explicat his verbis: *Nihil est, quod alios magis ad pietatem, & Dei cultum assidue instruat, quam eorum vita, & exemplum, qui in sortem Domini vocati, se Divino ministerio dedicarunt.* Cūm enim à rebus sæculi in altiorem sublati locum conspiciantur, in eos, tanquam in speculum reliquæ oculos conjiciunt, ex illo sumunt, quod imitantur: ideo in limine hujus Libri Canones, sive Regulæ, ad quas mores suos componant Clerici, traduntur, quas antequam sigillatum exponamus, generalia quædam circa statum Clericalem præmittimus.

§. I.

De Origine, & Varietate Clericorum.

S U M M A R I A.

1. Etymologia hujus nominis Clericus eruitur.
2. Nihil interessè inter Clericum, & Laycum, docent Lutherus, & Calvinus, & novissime Bæbmerus.
3. Ex ejus argumentis plurimis unum proponitur, & ostenditur, argumentum negativum infirmi roboris esse.
4. Quare hoc argumento crebrius utantur heterodoxi?
5. Bæbmeri